



Wenns am Mändig vieri schloot  
in dr scheenschte Stadt am Rhyy  
wenn am Morgestraich denn sLiecht usgoot  
sinn mir wie allewyl drbyy

Mir sinn äxtra vo de Alpe koo  
denn dFasnacht leen mir uns nit nää  
aber sunscht – du mergsch es sowiso  
kaa uns Basel nimm vyy! gää

**uns stinggts!**

Als wie heecher dien si dHysser baue  
am Boode gesech kai Sunnestrail  
si dien so die ganzi Stadt versaeue  
s wird dunggel, äng – es isch e Quaal

**uns stinggts!**

S haisst Basel syyg grien und zwar so richtig  
und glychzytig au no vyy! zfescht root  
das Grien do isch nit wirgglig wichtig  
vyy! scheener isch s Grien vom Gras, wo uff de Alpe stoot

**uns stinggts!**

Uff dr Alp hänn mir unsre Friide gfunde  
au ooni Polittig findsch do vyy! Kieh  
ganz anderscht als im Flachland unde  
macht uns Senne dFrauequote gar kai Mieh.

**uns stinggts!**

Do uff dr Alp sinn mr dehaime und fytle uns geborge  
mien nit wääge Velo uff dSyte springe  
und mache uns dorum au gar kaini Sorge  
ob die neije Drammhalststelle ebbis bringe

**uns stinggts!**

e SP-Raisli vo Basel nach Bärm  
zum dEva Herzog unterstizze  
me hett aber dEva in Bärm nit gäm  
drumm blybt si im Ständeroot sizze.

**uns stinggts!**

Zwar gits uff dr Alp au e weeneli Sinde  
mir sinn no jung und zwääg und fit  
drumm dien mir Schineblooser finde  
uff dr Alp hänn mir e gueti Zyt.

**uns stinggts!**

Unser Gras isch frei vo THC  
sgit kaini Schleegeerie ooni Ändi  
du wirsch bi uns kai Ybruch gseeh  
und au kai liberfall wäg eme Händy

**uns stinggts!**

Kai Buessezedel ziert sHorn vo Gaiss und Kueh  
unseri Wääg sinn jeederzyt fir alli doo  
und nit aifach gesperrt und dr halb Daag zue  
so dass me wider zugg muess goo.

**uns stinggts!**

Zu uns faahrt kai Scooter, au kai Bus und Baan  
mir blybe verschoont vo de Turischte  
mir finde das aifach numme dr Waan  
und länge hinder uns in dKischte

**uns stinggts!**

Mir hoole deert unser Fläschli Wyy  
und mänggmool e kiehls Bier  
fraie uns, dass mir uff dr Alp deerfe syy  
bi gueter Luft und unsere Dier


**uns stinggts!**

Wenns denn am Donnschtig vieri schloot  
in dr scheenschte Stadt am Rhyy  
und nodisnoo wider sLiecht aagoot  
sinn die drei scheenschte Daag vrbyy

**uns stinggts!**

Falls du uns uff dr Alp wottscht bsueche  
duesch uns aifach e glai Briefli schrybbe  
bi Airbnb kaasch e Stroohsagg bueche  
kaasch denn gäm au länger blybe

**stinggts dir au?**



## Äplermagrone mit Öpfelmues

Fir 4 Persone

### Zuedaate firs Öpfelmues:

600 g Öpfel, z.B. Boskop,  
schelle, Kämlli uusenää, dÖpfel in Stiggli schnyyde  
1 dl Öpfelsaft  
2–3 EL Zugger  
1 Zimmetstängel

### Zuedaate fir dÄplermagrone:


600 g fescht kochendi Händöpfel, rischte, in ebbe 1 cm  
grossi Wirfel schnyyde  
250 g Daigware (Magrone oder Hemli) mit ere Kochzyt  
vo ebbe 7–10 Minute  
1 dl Vollrahm  
Salz, Pfäffer us dr Miili, Muschgetnuss  
gräibene Kääs, z.B. Gruyère

### Zuedaate fir dZibeleschwaizi:

2 Zibele, in Ringli ghoblet  
1–2 EL Määl  
Angge

### Zueberaitig:

1. Öpfelmues: Alli Zuedaate ufkoche und zuedeggt  
10–15 Minute waich koche. Zimmetstängel usenää,  
Öpfel püriere, e weneli uskiehle loo.
2. Händöpfel und Daigware zämme im Salzwasser gare.  
Abgiesse und abtropfe loo. Lagewyys mit em Kääs  
inne vorgwärmte Form gää. Zuedeggt im auf 80°C  
vorghaizte Ofen warm stelle.
3. Rahm wirze und iber dMagrone giesse.
4. Zibeleschwaizi: Ziibelering im Määl dünggle und  
im haisse Angge knuschprig breetle. iber dMagrone  
vertaile und haisse serviere.



### Mir Dangge:

de Susy und de Esthy fir die fyne Pointe,  
em Larvemacher fir d Larve,  
de Schniderei Angela und Daniela,  
de Haut-Couture vo Basel

em Benji fir dFötteli  
und de Anita fir sLayout.

Drugg:



**Druckerei  
Krebs AG**

Fasnacht  
2023

F  
A  
S  
e  
S  
c  
h  
i  
n  
e  
b  
l  
o  
o  
s  
e  
r  
-  
S  
e  
p  
p  
e  
l  
i



gründet 1975



uns stinggts!

## dr Schineblooser-Seppeli

I bin e Schineblooser-Bueb  
in dr ganze Stadt bekannt  
ich gniesse do die drei scheenschte Daag  
und sunscht no allerhand  
sIntregiere in dr Baiz  
es kennt nyt scheener syy  
i bin e Schineblooser-Bueb  
do zBasel an myym Rhyy

Basel isch e scheeni Stadt  
ich fytle mi do sehr wool  
i bi au Fan vom FCB  
und fraie mi ab jeedem Gool  
wenn i in dr Kurve stand  
es kennt nyt scheener syy  
i bin e Schineblooser-Bueb  
do zBasel an myym Rhyy

[www.schineblooser-waggis.ch](http://www.schineblooser-waggis.ch)





SCHNEBLOOSER  
WAGGIS

